

MEÄNKIELI TORNEÐALSFINSKA

# ÄÄNESTÄ VIHREÄMÄN HALLITUKSEN PUOLESTA 19 SEPTEMERIÄ

Jos sie saisit valita minkälainen mailma olis, se piain olis vihreämpi. Se piain olis uuenaihaisempi, inhimillisempi ja miljööystävälisempi. Sie piain valittisit vaphauen yksittäisele ihmiselle, pysyvän kasvun (tillväxt) ja sosiaalisen turvalisueen. Sie saatat valita. Septemperissä oon vaalit valtiopäivile. Miljööpuolue halvaa muuttaa koko yhtheiskuntaa vihreämäksi. Se oon parasta Ruottile. Sinun valinta saattaa vaikuttaa siihen ette vihreilä oon voimakas vaikutusvalta uuessa hallituksessa.

Valitte politiikka jolla oon visjuunit – äänestä vihreää 19 septemperiä!

miljöpartiet de gröna





## KLIMAATTIKAVERIT

Yhteiskunta tarttee tulla uuenaikhaisemaksi. Tulevaisuuden haasteet vaativat uuden politiikan. Ruottila on eessä suuret koetukset ko on kyse klimaatista, ekonomiist ja työpaikoista. Miljööpuoluheela on politiikka sitä varten. Muutto vihreämäksi klaaraa klimaatista, tekkee yhteiskunnasta uuenaikhaiseman ja antaa töitä ja hyvinvointia. Se on hyvä ekologii ja hyvä ekonomii.

Ruotti häätyy ottaa vastuun klimaatista. Net maat jotka tohtivat kulkea eessä, tulevat olheen johtavia koko mailmassa. Net jotka jäävät viimiseksi, tulevat olheen toivottomasti jälissä ko on kyse ekonomiist ja kehityksestä. Meän maa saattaa ottaa johon klimaatityössä. Miljööpuolue halvaa tehdä suuria investeerinkiä infraskryktyyhriin, tekniikhaan ja energiihan. Vihreät satsaukset antavat töitä ja kestävän kasvun samala ko klimaatimuutokset topathaan.

Se häätyy kannattaa ette ellää klimaatii-ystävälisesti. Jokhainen ihminen jättää jäljet. Jokhainen ihminen on tärkeä ja useammat tarttevat tehdä enämpi klimaatista puolesta. Kestävän elämäntyylin ei tartte olla uhraus. Ratkasut on jo olemassa. Sen jota tarttee on politiikka joka net totheuttaa niitten vaikutukset. Miljööpuolue halvaa rakentaa Ruottin jossa klimaatiiystäväliset valinat on helpoimat ja halviimat.

## VIHREÄ ANTAA TÖITÄ

Tulevaisuuden työt on vihreät työt. Monet uudet työt tulevat olheen klimaatista merkissä. Investeerinkit rautateihin, raitiovaunuihin (spårvagnar) ja pyöriteihin antavat töitä. Satsaukset tuulivoihmaan, aaltovoihmaan, aurinkhoon ja tehokkaamphaan energiihan antavat töitä. Korkeat klimaatiiyrkimykset on vastaus klimaatiiuutokshiin, työttömyyteen ja matalasuhthantheen (lågkonjunktur).

Entreprenöörit on rohki tärkeät yhteiskunnan kehityksele. Net on net jotka usein levittävät uusia ideoita, miljøö-kiinnostusta ja sosiaalista vastuuta. Sitä Miljööpuolue halvaa eesauttaa. Yrittäjänä oleminen häätyy olla yksinkertasempaa, turvalisempaa ja siinä häätyvät olla pienemät riskit. Silloin useammat tohtivat totheuttaa omat visjuunit. Silloin pienet yritykset saattavat kasuta. Se on Ruottile hyväksi.

Oon aika jättää osto- ja haaskausyhteiskunnan. Miljööpuolue halvaa innostaa kestävää kulutusta alentamalla momsien palveluista. Se pittää olla halvempi korjata vanhaa ko ostaa uutta. Silloin palvelualan työt lissäintyvät. Vihreä muutos on fiksu (smart) ja kannattava, mutta se vaatii ette joku tohtii aatella uuela mallin. Miljööpuolue tohtii.

## TURVALISUUS OON VAPHAUS

Yks hyvinvoinin eelytys on ette ihmiset tekevät töitä. Mutta hyvinvointia, joka ei auta niitä joila ei ole työtä eli jokka ei saata olla töissä, ei saata kuttua hyvinvoiniksi. Meilä ihmisillä on vastuu toisista. Ko turvalisuus lissäintyy, ulkopuolela oleminen (utanförskap)vähenee ja koko Ruotti tullee vahvemaksi. Hajotetun turvalisuusysteemin häätyy korjata.

Niin kauon ko ihmiset on siukkoja, net häätyvät saa siukkorvauksen. Kaikki joila ei ole työtä, häätyvät kuulua työttömyysvakuutukseen. Yhteiskunta häätyy tarjota sen avun jota ihminen tarttee, esimerkiksi rehabiliteerinkiä eli koulutusta. Ei ihmiset tule friskimäksi, sillä ette tulevat köyhemäksi. Ei työt lissäintyy siittä ette useampi tullee köyhemäksi.

Miljööpuolue halvaa lua yhteiskunnan jossa ihmiset saavat olla erinlaisia. Ihmisille joila on ollu vastoinkäymisiä, häätyy antaa toelinen maholisuus tulla takasi. Turvalisuus on vaphaus. Turvalisuus tekkee sen ette useammat tohtivat testata ideoita. Ideoita tarvithaan ette yhteiskunta kehitty ja tullee paremaks. Miljööpuoluheen iteat tarkottavat enämpi tasa-arvoa, vähempi diskrimineerausta ja enämpi inhimilisyttä.

## SINUN ÄÄNI RÄKNÄTHÄÄN

Tämän päivän prupleemia ei eilisillä ratkaisilla klaarata. Vihreällä muutoksella met pelastamma klimaatista, luoma työpaikkoja ja pareman ekonomiin. Miljööpuolue on voima johonka luottaa, ja jos meitä on useampia, olema aina voimakhaampia.

Saatat tulla Miljööpuoluheen jäseneksi maksamalla sms:in kautta. Sms:aa mpmedl vvvvkkppxxxx

(ååååmmddxxxx) numehroon 72456

Hinta: 50 kruunua + trafiikimaks

Sinun henkilönumeron tarttema, ette tiämä kuka sie olet. Lähätä mielehään sinun e-postiosote kans, niin met saama helpola sinhuun yhteyen. Jäseneksi pääsee kans jos maksaa kortila eli tillaamalla maksokortin (inbetalningskort).

Saatat maksaa kortila eli tilata maksokortin osotheesta [www.mp.se/blimedlem](http://www.mp.se/blimedlem). Saatat kans soittaa numehroon 08-545 224 50.

Ota yhteyt Miljööpuoluheen kans käymälä sivula [www.mp.se](http://www.mp.se), eli soittamalla numehroon 020-94 20 00.